

師說若退墮時隨順退者是退自性若作是說以一切法為退自性由退墮時諸法皆有隨順退義譬喻尊者作如是言退無自性惟假施設所以者何身中先有諸善功德今遇退緣退失此法有何自性如人有財為賊所奪有人問曰汝今失財以何為體財主答曰

十四

我本有財今為賊奪但無財物知有何體如人有衣為他奪去露形而住有人問曰汝今無衣以何為體衣主答曰我先有衣今被奪去知有何體如人衣破有人問曰汝今衣破用何為性衣破者曰我衣先完今衣破已知有何性如是身中先有勝德今惟退失有何

自性評曰退自性者是不成就無覆無記即是非得心不相應行蘊所攝即在復有所餘如是類法心不相應中攝應知退與順退法異退以不成就非得為自性無覆無記心不相應行蘊所攝順退法以一切不善有覆無記為其自性如僧破與破僧罪異僧破以不

和合為自性無覆無記心不相應行蘊所攝破僧罪以虛誑語為自性僧成就破破僧人成就罪如是退與順退法異故退自性決定實有是不相應行蘊所攝即是非得其理極成

說一切有部發智大毗婆沙論卷第六十 第十

滄

滄字滴 鵠刺藍 此上居謂反中郎達反下郎舍反

七日

如酥也 頰部曇 七上於謂反此母精血和合二

洲渚

下音煮水中小沙渚也 毗捺耶 此中奴代反

兒完

惠官反 全也 二同 十五末

大毗婆沙論卷第六十

第十

阿毗達磨大毗婆沙論卷第六十一

義一

五百大阿羅漢等造

三藏法師玄奘奉

詔譯

結蘊第二中一行納息第二之六

問為煩惱現在前故退為退已煩惱現在前設亦何失二俱有過所以者何若煩惱現在前故退者品類足說當云何通如說三緣故

一

起欲貪隨眠一欲貪隨眠未斷未徧知二順
欲貪纏法現在前三於彼有非理作意廣說
乃至起疑隨眠應知亦尔契經所說復云何
通如說由五因緣令時解脫阿羅漢退謂多
營事業乃至身恒多病定蘊所說復云何通
如說由非學非無學心退起學法得云何彼
是阿羅漢而起煩惱現在前又何等心無間
起煩惱現在前若退已煩惱現在前者施設
論說當云何通如說若時心遠心剛強起無
色界三纏現在前謂貪慢無明而多起慢彼
三纏內隨一現前應說彼退無色貪盡住色
貪盡中識身論說復云何通如說一類補特
伽羅無色染汚心現在前故捨無學善根學
善根相續退無學心住學心品類足說復云
何通如說云何順退法謂不善及有覆無記
任何等心後煩惱現在前答應作是說煩惱
現在前故退問此已善通後諸違難前諸違
難當云何通答皆非違難所以者何品類足說

三緣故起諸隨眠者依未斷盡煩惱者說謂
起煩惱現在前者或有已斷盡自地煩惱或
有未斷盡自地煩惱彼依未斷盡自地煩惱
而起煩惱現在前者說又起煩惱現在前者
或退或不退彼依不退而起煩惱現在前者
說又起煩惱現在前者或染汚心無間或不
染汚心無間彼依染汚心無間而起煩惱現
在前者說又起煩惱現在前者有具因緣有
不具因緣彼依具因緣而起煩惱現在前者
說謂諸有情三因緣故起諸煩惱名具因緣
一由因力二由境界力三由加行力欲貪隨
眠未斷未徧知者說因力順欲貪纏法現在
前者說境界力於彼有非理作意者說加行
力復次為遮外道所說意趣故作是說由三
緣故起諸隨眠謂外道說專由境界起諸煩
惱若有境界煩惱便生若境界壞煩惱不起
為遮彼意說諸纏起亦因未斷自類隨眠亦
由彼有非理作意契經中說由五種因緣令

義一

二

時解脫阿羅漢退者彼於退具說退因緣如
餘經說彼具名彼定蘊所說由非學非無學
心退起學法得者彼說根退不說果退復次
煩惱相應心亦名非學非無學故說果退亦
不違理云何彼是阿羅漢而起煩惱現在前
者先是阿羅漢後起煩惱現在前若起煩惱
現在前便非阿羅漢如先異生後入聖道入
聖道已便非異生如先學者後起無學法起
無學法已便非學者此亦如是於理何違何
等心無間起煩惱現在前者若畢竟離非想
非非想處染起彼地纏現在前故退者即彼
地善心無間起煩惱現在前若未畢竟離非
想非非想處染起彼地纏現在前故退者即
彼地或善心或染污心無間起煩惱現在前
乃至初靜慮應知亦亦若畢竟離欲界染起
欲界纏故退者即欲界或善心或無覆無記
心無間起煩惱現在前若未畢竟離欲界染
起欲界纏故退者即欲界或善心或染污心

或無覆無記心無間起煩惱現在前此中若
未得根本善靜慮無色定現在前者彼不能
起色無色界纏現在前故退但能起欲界纏
現在前故退若得根本善靜慮現在前非無
色定者彼不能起無色界纏現在前故退但
能起欲色界纏現在前故退若得根本善靜
慮無色定現在前者彼能起三界纏現在前
故退有餘師說退已煩惱現在前問此已善
通前諸違難後諸違難當云何通答皆非違
難所以者何施設識身二論所說依覺知位
不說退時謂先雖退而未覺知煩惱現在前
乃覺知故如有先誦四阿笈摩餘務所纏遂
便忘失乃至未誦猶不覺知後若誦時方知
忘失彼雖先忘而今始覺此亦如是先退後
知依知時說故不違理品類足說不善及有
覆無記名順退法者依捨善品轉遠善品故
作是說如如煩惱現在前時如是如是捨遠
善品故說順退非謂煩惱現在前時方退善

法先已退故住何等心後煩惱現在前者住
 欲界無覆無記心後煩惱現在前謂威儀路
 及工巧處非異熟生性羸劣故問豈不羸劣
 弥順於退答若於淨品其性雖劣而於染品
 力強勝者住彼便退退已煩惱即現在前異
 熟生心於淨染品性俱劣故住彼心時非進
 非退有說欲界三無記心隨住一種皆有退
 義此心無間煩惱現前然此欲界無覆無記
 心有與三界纏相違者住此心時必不退起
 三界煩惱有與欲色界纏相違不與無色界
 纏相違者住此心時雖不退起欲色界煩惱
 而容退起無色界煩惱有與欲界纏相違不
 與色無色界纏相違者住此心時雖不退起
 欲界煩惱而容退起色無色界煩惱有與三
 界纏皆不相違者住此心時皆容退起三界
 煩惱評曰此二說中前說為善要起煩惱現
 在前時乃成退失勝功德故此說退位若退
 性者不必要起煩惱現前不退無學位有退

性者故

問退時為任意地為住五識身耶答應作是
 說任意地退非五識身問若尔云何通騰陀
 衍那事昔有王号騰陀衍那將諸宮室詣水
 跡山除去男子純與女人奏五伎樂縱意嬉
 戲樂音清妙香氣芬馥命諸女人露形而舞

義一

四

時有五百離欲仙人乘神境通經此上過有
 見妙色有聞妙聲有嗅妙香皆退神通墮此
 山上如折翼鳥不復能飛王見問曰汝等是
 誰諸仙答曰我是仙人王復問言汝得非想
 非非想處根本定不仙人答言我等未得王
 乃至問汝等為得初靜慮不仙乃至答我等
 曾得而今已退時王瞋忿作如是言不離欲
 人如何觀我宮人姝女極非所宜便拔利劍
 斷截五百仙人手足彼諸仙人有住眼識退
 者有住耳識退者有住鼻識退者如何言住
 意地退耶猛熹子事復云何通昔有仙人名
 猛熹子食時常受勝軍王請每至食時乘神

通力如鴈王飛至王宮上王自承接抱置金
牀燒香散華恭敬禮拜以妙飲食而供養之
仙人食訖除器澡漱呪願王已飛空而去王
於後時以國事故欲詣餘處作是念言我行
去後誰當如我承事仙人脫不如法仙人性
躁或呪詛我令失王位或斷我命或害國人

便問少女我行去後汝能如我事仙人耶女
荅言能王遂慙懃約勅少女令如常法供養
仙人然後乃行營理國事仙人後日臨至食
時飛空而來至王宮所王女承抱置金牀上
仙人離滌力微劣故觸細粟觸退失神通如
常受供食訖澡漱及呪願已欲乘空去而不

義一

五

能飛入王苑中欲修舊道聞象馬等種種喧
聲雖極作意而不能得時彼仙人知室羅筏
城中士女恒作是念若大仙人履地行者我
等當得接足供養彼仙余時便起矯慧語王
女曰汝告城中今日仙人履地而出諸所欲
作皆應作之於是王女即便依教諸人間已

除去城中瓦礫糞穢掃灑清淨嚴列幢幡燒
香散華作諸音樂莊飾嚴麗猶如天城是時
仙人步行而出去城不遠入林樹間欲修舊
道聞諸鳥聲其心驚亂而不能得便捨此去
詣於河邊復聞水中龍魚騰躍心既喧擾而
不能修遂即登山作如是念我退善品都由

有情設我曾修戒禁苦行當感有翅猫狸之
形水陸空行無脫我者發惡願已毒心稍息
須臾復能離八地滌後生非想非非想處有
頂寂止甘露門田八萬劫中受閑靜樂業壽
盡已還生此間苦法林中作猫狸獸身及兩
翅各廣五十踰繕那量以此大身害有情類

空行水陸無得免者從此命終墮無間獄受
諸劇苦難有出期如是仙人任身識退如何
言任意地退耶復云何通天帝釋事謂釋迦
佛未出世時有一仙人名為洲胤天帝數往
諮受法義後於一時天帝乘輦欲往仙所阿
素洛女設芝夫人竊作是念今天帝釋將無

捨我欲往其餘諸美人所便先昇輦自隱其形今天帝釋不知同往臨至仙所迴顧見之因即告言汝何來此仙人不欲見諸女人宜速還宮不應住此設芝推託不欲還宮天帝既忿以華莖擊夫人遂以諂媚音謝仙人聞之便生欲愛退勝定故螺髻便墮此即仙人

住耳識退如何言住意地退耶答應知此等住意地退由眼等識引令起故作如是說於理無違尊者僧伽拔蘇說曰住五識退於理何違五識取境時亦生煩惱故謂對治力極羸劣者眼見色等亦容退故評曰應作是說住意地退非五識身對違順境要有分別起

義一

六

煩惱故由此故說若住意地有六勝事不共五識一退二離染三死四生五斷善根六續善根退有三種一已得退二未得退三受用退已得退者謂先已得諸勝功德遇緣而退未得退者如伽他說

我觀天世間

退於聖慧眼

由耽著名色

不見四真諦

此頌意說一切有情若勤方便皆應獲得諸聖慧眼但由耽著名與色故不能精勤修正方便於四真諦未得現觀於聖慧眼有未得退又如頌言

愚夫眾所敬

是則為衰損

於頂而退墮

斷滅諸善根

此頌佛依天授而說謂彼已起暖善根不久當起頂善根中間貪著勝名利故於頂善根有未得退從此展轉斷滅善根諸如是等名未得退受用退者謂於已得諸勝功德不現在前如佛於已得諸佛功德不現在前獨覺

於已得獨覺功德不現在前聲聞於已得聲聞功德不現在前餘亦應尔

問如是三退佛獨覺聲聞各有幾種答佛有一種謂受用退已得諸功德有不現前故無未得退住諸有情最勝根故無已得退諸佛皆是不退法故獨覺有二種謂未得退及受

義一

七

用退未得退者未得諸佛最勝根故受用退者有已得功德不現在前故無已得退獨覺皆是不退法故聲聞乘中不時解脫有二種謂未得退及受用退未得退者未得諸佛獨覺根故受用退者有已得功德不現在前故無已得退不時解脫非退法故時解脫具三種已得退者已得功德有可退故未得退者未得三乘不退根故受用退者有已得功德不現在前故有作是說佛全無退無已得退者諸佛皆是不退法故無未得退者住諸有情最勝根故無受用退者佛於過去三無數劫修集百千難行苦行皆為利樂一切有情得成佛已晝夜六時觀有情界無可化者而不饒益是故諸佛無受用退雖有功德不現在前非本所期故不名退獨覺唯有一受用退有已得功德不現在前故無未得退者於獨覺乘根性已定更不求佛勝根性故無已得退者獨覺皆是不退法故聲聞乘中不時

解脫亦唯有受用退有已得功德不現在前故無未得退者於聲聞乘根性已定更不求佛獨覺乘故無已得退者不時解脫不退法故時解脫有二種一已得退已得功德有可退故二受用退有已得功德不現在前故無未得退者於時解脫根性已定不求三乘勝根性故評曰此二說中初說為善諸佛定有受用退故獨覺聲聞於勝根性有欽羨故時解脫者有可轉作不時解脫如何說彼無未得退問云何知佛有受用退答契經說故如契經說佛告阿難如來所得四增上心現法樂住我說於彼展轉有退如與弟子共集會時若不動心解脫身作證具足住我說於彼都無有退由此知佛有受用退問此經為說有已得退為當說有受用退耶設亦何失二俱有過所以者何若此經說已得退者四增上心現法樂住亦不應退諸佛皆是不退法故若此經說受用退者不動心解脫亦應有

義一

八

退非一切時現在前故。若此中說佛有受用退問，此已善通前所設難。後所設難當云：何通謂不動心解脫亦應有退？非一切時現在前故。若不動心解脫以成就為勝，若得彼法更無所作，故雖不現前而不說為退。四增上心現法樂住以現行為勝，不現前者便說為

退。有作是說：此契經中說未至定名不動心解脫，說根本靜慮名增上心現法樂住。世尊多起未至定，現在前非根本靜慮。謂食前食後將說法時及說法竟，非說法已入靜室時，佛雖於諸定能速疾入而於最近者數入，非餘故。佛數數入未至定如勇健者，雖於諸處能速往來而於近處數數遊從，非於遠處故作是說。有餘師說：此契經中說利益他事名不動心解脫，說自利益事名增上心現法樂住。世尊多起利益他事，現在前非自利益事。故作是說。或有說者：此契經中說慈悲名不動心解脫，說喜捨名增上心現法樂住。世尊

多起慈悲，現在前少起喜捨，故作是說。復有說者：此契經中說大悲名不動心解脫，說大捨名增上心現法樂住。世尊多起大悲，現在前少起大捨，故作是說。尊者妙音作如是說：此契經中說一切結未斷，徧知名不動心解脫。說一切種有為功德名增上心現法樂住。

義一

九

佛於一切無為功德恒成就，故說為不退。佛於一切有為功德有不起者，故說有退。有為功德以起現前為勝，事故尊者覺天作如是說：此契經中說能得名不動心解脫，說所得得名增上心現法樂住。佛於一切所得功德有不現前，故說有退。諸能得得恒現在前，故說不退。問：若佛亦有受用退者，此受用退何者最多？為佛為獨覺為聲聞耶？答：此受用退佛最為多，非獨覺聲聞。彼功德少，故謂佛一刹那頃功德不現在前，有受用退多於二乘。盡眾同分於諸功德有受用退，所以者何？如來功德無量無數，微妙熾盛最勝清淨，過

諸世界極微塵量一一功德皆應現前若不現前有受用退故受用退佛最爲多如轉輪王統四洲渚若一日夜捨自國土有受用退多餘小王盡衆同分捨自國土有受用退前來且說三乘無學於三種退有具不具學位異生隨其所應當准此說

如定蘊說以何等故上三果有退非預流果耶且彼文說見所斷煩惱於無事起故斷已不退云何說彼於無事起謂無處轉故云何無處轉謂於我轉故於勝義諦我畢竟無故彼煩惱斷已不退修所斷煩惱於有事起故斷已有退云何說彼於有事起謂有處轉故

云何有處轉謂於少分淨相轉故云何名爲少分淨相謂於髮爪脣齒面目手足指等形顯色中有少淨相於中亦有諸不淨相觀不淨相由如理作意先離煩惱觀彼淨相由非理作意起煩惱退無有少法有我我所可令觀彼退無我觀如契經說一切法無我無有

情無命者無養育者無補特伽羅於此身內空無士夫無能作者無遣作者無能受者無遣受者純空行聚是故一切見所斷結聖慧斷已皆永不退是故無退預流果者復次永斷三界見所斷結立預流果無退三界見所斷結永斷者故復次永斷非想非非想處見

義一
十

所斷結立預流果無退非想非非想處見所斷結未斷者故問云何無退彼永斷者答以彼非想非非想處見所斷結難斷難破難可越度是故斷已不可還續復次以忍對治無事煩惱立預流果必無退忍起無事結故彼不退復次由見道力得預流果定無退失見道者故問因論生論何故定無退見道者答以見道是極速疾道不起期心道無容退失如是道故復次諸瑜伽師入見道已名墮法河墮大法流墮法波浪墮法洄復尚無暇能起有漏善無覆無記心況有能起染污心退如人墮在山谷瀑流隨浪漂溺尚不能據此

彼兩岸何況能出復次見道能治三界所有見所斷結無退三界見所斷結對治道故復次見道能治所有非想非非想處見所斷結無退非想非非想處見所斷結對治道故復次見道能治忍所對治無事煩惱無有退彼對治道故復次見道創見四聖諦理決了明

白無於此理重迷謬者故必不退問如至無學位有退任修道寧無至修位退任見道者答修道位中有起煩惱現在前義見道位中無起煩惱現在前義是故彼此不可為例復次修道位中容有退者故至無學位有退任修道見道位中無有退者故至修道位無退

義一

十一

住見道

問退阿羅漢果住預流果時名退不還一來果不答亦名退彼所以者何住彼下故如人從彼第三層舍墮至于地彼人亦說墮初二層此亦如是問本不成就中間二果今何言退答已不成就復不成就故亦名退問如何

說彼已不成就復不成就答彼先已遠今更遠故復次先斷亦所煩惱盡故建立二果今還退起亦所煩惱故說彼退復次先斷二果所對治得今還退起故說彼退復次先用如是無間解脫斷諸煩惱得二果者今還退起所斷煩惱令彼二道遠而更遠故說彼退復

次不還一來果是阿羅漢因故退果時因亦名退問預流果亦是阿羅漢因退阿羅漢時預流應退答此預流果是下聖位退上果時極住此果若復退失預流果者應本得果今還不得見道位中無住義故應本見諦今還不見應本現觀今非現觀應本聖者今成異

生欲令無有如是等過故無退失預流果義復次以預流果是見道證先說見道必無退義是故無退預流果者此說位退不說根性預流果轉根亦有退者故

退根本沙門果若未還得無命終義若退彼向雖未還得容可命終所以者何根本果位

易見易施設謂此是預流果乃至此是阿羅漢果是故退已若未還得必不命終向位難見難施設故從彼退已雖未還得有命終義復次根本果位諸瑜伽師於果發起增上慶悅如務農者於六月中修治稼穡後收子實積置場中生大慶悅此亦如是故退果時生

大憂惱若未還得終不捨命向中不介故退彼時雖未還得有命終義復次根本果位具三因緣一捨曾得道二得未曾得道三證結斷一味得故退果時若未還得必不命終向即不介故退彼位雖未還得容可命終復次根本果位具五因緣一捨曾得道二得未曾

得道三證結斷一味得四頓得八智五一時修十六行相故退果時若未還得無命終理向中不介故退彼時雖未還得有命終義復次根本果位是瑜伽師最勝安隱蘇息之處故退果時若未還得無命終義向即不介故退彼時雖未還得有命終理復次根本果位

所有結斷是所作及所作究竟所有聖道是功用及功用究竟故退果時若未還得無命終理向中結斷是所作非所作究竟所有聖道是功用非功用究竟故退向時雖未還得有命終義復次根本果位容諸行者廣修聖道故退果時若未還得無命終理向中不容

廣修聖道故退向已雖未還得有命終義復次根本果位諸瑜伽師能善了知功德過失功德者謂道及果過失者謂生死因果故退果時若未還得無命終理向中不介故退彼時雖未還得有命終義復次根本果位諸瑜伽師方能善取四聖諦相向中不介事未成

故如人道行於四方相未能善取若坐一處方能善取果向亦然故退果時若未還得無命終理若退向時雖未還得有命終義復次根本果位若退失時有證知者故未還得必不命終退失向時無證知者故未還得有命終義如村邑中若被劫奪有證知者速可還

得兩村邑間若被劫奪無證知者難可還得
 復次根本果位諸瑜伽師先廣加行安足堅
 固由此退時若未還得終不捨命向中不尔
 故退彼時若未還得有命終理預流果先廣
 加行者謂彼先求解脫果故精勤修習惠施
 淨戒不淨觀持息念念住聞所成慧思所成

慧修所成慧及煖頂忍世第一法并見道中
 十五心頃即此揔名安足堅固有作是說從
 初乃至世第一法名廣加行見道十五心名
 安足堅固一來果先廣加行者謂即前說及
 離欲染諸加行道六無間道五解脫道即此
 名為安足堅固有作是說預流果名安足堅

固不還果先廣加行者謂即前說及離欲染
 諸加行道三無間道二解脫道即此名為安
 足堅固有作是說一來果名安足堅固阿羅
 漢果先廣加行者謂即前說乃離初靜慮乃
 至無所有處染一一地各有諸加行道九無
 間道九解脫道并離非想非非想處染諸加

行道九無間道八解脫道即此揔名安足堅
 固有作是說不還果名安足堅固復次根本
 果位諸瑜伽師斷絕止息一切生分故退果
 時若未還得無命終義向中不尔故退彼時
 雖未還得有命終理謂預流果除欲界七生
 及色無色界一一處一生餘一切生得非擇

滅一來果除欲界二生及色無色界一一處
 一生餘一切生得非擇滅不還果除色無色
 界一一處一生餘一切生得非擇滅阿羅漢
 果於一切生得非擇滅不復生故復次根本
 果位諸瑜伽師揔集三界見修所斷煩惱斷
 得故退果時若未還得終不捨命向中不尔

故退彼時雖未還得有命終義謂預流果位
 揔集三界見所斷煩惱斷得一來果位揔集
 三界見所斷及欲界修斷六品煩惱斷得不
 還果位揔集三界見所斷及欲界修所斷九
 品煩惱斷得阿羅漢果位揔集三界見修所
 斷一切煩惱斷得復次根本果位是瑜伽師

義一

十四

本所求處故退果已若未還得必不命終向位不介故退彼時若未還得有命終義若離欲界染或離初靜慮染或復乃至離無所有處染此後得入正性離生後若退者決定不起下地纏退但容得起上地纏退所以者何下地煩惱有漏無漏二對治道所殘害故無有勢力起彼而退復次斷彼纏後有見道生鎮壓其上故不能起下地纏退譬如有人從山墮落墮後復有頽山壓上尚不能動况能起行復次斷彼纏後有忍智生無有退忍智者故不能起下地纏退復次斷彼纏後起法類智無有全退法類智者故不能起下地纏退復次斷彼纏後起增上忍世第一法無退增上忍世第一法者故不能起下地纏退復次異生離欲界染乃至離無所有處染時地地見修所斷煩惱摠為一來作九品斷後入見道得聖果已設起下地煩惱退者為但得彼修所斷結為亦得彼見所斷結若但得彼

修所斷結如何二結同一道斷退彼道時但唯得一若亦得彼見所斷結如何得聖果成見所斷結是故異生隨離何地何品染已後若得入正性離生得聖果已必無還起先時所斷煩惱退義

問如當得阿羅漢果住金剛喻定時猶成就

義一

十五

非想非非想處下下品結若退阿羅漢果還起非想非非想處下下品結時為亦得成就金剛喻定不答不得成就金剛喻定所以者何金剛喻定用大功力加行作意修習而得彼下下品結不由功力加行作意修習而得是故退時但得彼結不得此定復次金剛喻定勝進時得彼下下品結退墮時得是故退時但得彼結不得此定復次金剛喻定現在前時違彼結現行不違彼成就是故金剛喻定現在前時猶成就彼結非想非非想處下下品結現在前時違金剛喻定現行亦違成就是故退起彼品結時必不成就剛金剛喻定

復次金剛喻定是無間道無住無間道而退者亦有無退已住無間道者有住解脫道而退者亦有退已住解脫道者有作是說亦有住勝進道而退者及有退已住勝進道者是故住金剛喻定時成就有頂下下品結退起有頂下下品結時必不還得金剛喻定

說一切有部發智大毗婆沙論卷第六十一 義一

樊反慈想胡梵摩業上乘反羸劣垂上力反評日一音平廣

隨上質音衍那續上音嬉戲之反許芬馥伏下音嗅鞅下

二同許救澡漱早二字音躁則到呪詛反上之右之

反助更字苑中遠上反紆羅筏下音矯居小瓦礫下音下

歷苗上莫交反一音翅施智踰繕上音扇

反劇苦逆上奇洲胤鎮下羊反設芝之下音忿開芳二粉芳扇

諂媚二下反冒航反丁舍爪之巧鈍徒困瑜伽上音

洄伏下音回暇夏音瀑流報上反蒲漂弱一上反奴的苗反反

創昌狀謬反苗幼稼穡二字音煖頂字上煖頃領頤

反壓音押頹徒反回

大毗婆沙論卷第六十一 義一 十六末

阿毗達磨大毗婆沙論卷第六十二 義二

五百大阿羅漢等造 三藏法師糞奉 詔譯

結蘊第二中一行納息第二之七

問何處有退答欲界有退非餘界人趣有退非餘趣問欲界天中何故無退答無退具故問豈不彼天有五妙欲勝於人趣寧說為無

答諸契經中說五退具天中非有故說為無復次六欲天中初入聖道得聖果者皆是利根諸利根者皆不退故問鈍根人中入聖道已後生天上為有退不答彼亦不退所以者何經生聖者決定不退亦不轉根亦不得生色無色界聖道於彼相續中住既經多時極

190